



CONVENIO DE COLABORACIÓN ENTRE A CONSELLERÍA DE POLÍTICA SOCIAL E A ENTIDADE ASOCIACIÓN GALEGA SAN FRANCISCO (AGASFRA), PARA A EXECUCIÓN DUN PROXECTO PILOTO DE EMPREGO PERSONALIZADO PARA PERSOAS CON DISCAPACIDADE INTELECTUAL

MEMORIA XUSTIFICATIVA

A directora xeral de Maiores e Persoas con Discapacidade

DECLARA:

Que a Consellería de Política Social ten previsto formalizar coa Asociación Galega San Francisco o instrumento convencional arriba referido que entrará en vigor o día da súa sinatura, e que estenderá os seus efectos desde o día 1 de xaneiro de 2017 ata o 31 de decembro de 2017.

Que o instrumento convencional ten por obxecto contribuír ao financiamento por parte da Consellería de Política Social da Xunta de Galicia no desenvolvemento dun proxecto piloto de emprego personalizado para persoas con discapacidade intelectual usuarias do centro especial de emprego e doutros servizos dos que a entidade Agasfra é titular, mediante as seguintes actividades:

1. Selección de candidatos e valoración inicial. Utilizaranse os seguintes criterios:

- Persoas con Discapacidade do noso Centro Especial de Emprego
- Persoas con 65% de grado de discapacidade ou superior
- Persoas con Grado de Dependencia igual ou superior a II
- Idade superior a 21 anos (idade máxima Educación Especial)
- Implicación, participación e apoio familiar.
- Competencias laborais básicas.
- Coñecementos básicos de lectoescritura.





2. Inscripción como demandantes de emprego ou formación no Servizo Público de Emprego de Galicia, para aquelas persoas beneficiarias que non o están.
3. Elaboración de itinerarios individualizados segundo as necesidades específicas de cada participante (idade, sexo, grao discapacidade, conduta, contorna social, deterioro etc.)
4. Implicación e participación de cada beneficiario en tódalas actividades desenvolvidas ao longo do seu itinerario como protagonista do seu proxecto de vida.
5. Promoción da autonomía persoal no ámbito das Novas Tecnoloxías (uso do correo electrónico, xestión de citas médicas, xestións bancarias, actividades de ocio, aplicacións de apoio ao emprego: ECATIC, MeFacilyta ...)
6. Orientación e seguimento dos itinerarios (colaboración co Servizo de Información e Orientación laboral de FADEMGa Plena Inclusión Galicia).
7. Participación en actividades e talleres de formación prelaboral que melloren as súas competencias e habilidades laborais desde distintos ámbitos:
 - Prevención de Riscos Laborais
 - Habilidades Sociais
 - Dereitos Deberes dos traballadores.
 - Resolución de Conflitos no ámbito prelaboral/laboral
 - Taller de habilidades comunicativas
 - Uso das novas tecnoloxías
 - Ferramentas e recursos de procura de emprego a través de Internet
 - Autoestima
 - Mellora do uso do transporte público e autonomía nos desprazamentos.
8. Dinamización de grupos para a mellora da comprensión lectora a través de grupos de Lectura Fácil e, a través deles, traballar aspectos fundamentais para a súa inclusión sociolaboral (Emprego Personalizado), como os seus dereitos e deberes como traballadores, prevención de riscos laborais, etc.
9. Prácticas prelaborais en contornas laborais reais.





10. Visitas a entornas laborais reais en empresas ordinarias, Centros Especiais de Emprego etc.
11. Asistencia a eventos, feiras e xornadas relacionadas con emprego e formación.
12. Procura de apoios naturais na súa contorna familiar, social, comunitaria, profesional, para a mellora da súa empregabilidade.
13. Uso e implantación de sistemas alternativos de la comunicación para persoas con grandes dificultades de comunicación verbal e escrita. Comunicación alternativa e aumentativa.
14. Activación para o emprego de maiores de 45 anos
15. Tránsito á xubilación desde o ámbito laboral ou prelaboral
16. Implicación das familias/referentes no desenvolvemento e valoración do itinerario personalizado.
17. Prospección de empresas do mercado ordinario na procura de colaboración para o desenvolvemento de prácticas non laborais, experiencias laborais e/ou participación activa na adquisición de destrezas laborais no ámbito do proxecto.

Que existe converxencia de intereses entre as entidades asinantes en orden á consecución do obxecto referido.

Que o instrumento convencional que se pretende asinar fundamentase no seguinte:

Actualmente faise preciso establecer medidas de apoio orientadas a promover a inclusión social das persoas con discapacidade. Para isto a Asociación Galega San Francisco executa un proxecto piloto de emprego personalizado para persoas con discapacidade intelectual, coa finalidade de mellorar as posibilidades de inclusión sociolaboral, fomentar a autonomía e a independencia persoal e a calidade de vida e benestar da persoa con discapacidade intelectual.

Conforme aos requisitos previstos no artigo 26.2. apartado a) da Lei 9/2007, do 13 de xuño, de subvencións de Galicia, e no artigo 40 do Decreto 11/2009, do 8 de xaneiro, que a





desenvolve, e conforme aos argumentos expostos no informe xustificativo da imposibilidade de promover a concorrência pública asinado por esta dirección xeral con data do 04/07/2017, non existen outros operadores coas mesmas condicións que a entidade AGASFRA para desenvolver a actividade obxecto deste convenio.

Así mesmo, as actuacións obxecto deste convenio, recollidas na súa cláusula primeira; a súa adecuación ao ámbito competencial da Consellería de Política Social previsto no Decreto 176/2015, de 3 de decembro, polo que se establece a estrutura orgánica da Consellería de Política Social, e no seu artigo 20, onde se describen as competencias da Dirección Xeral de Maiores e Persoas con Discapacidade; e as específicas necesidades inherentes ao colectivo ao que van dirixidas, considéranse razóns que acreditan o seu interese social.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados no Texto Refundido da Lei de Contratos do Sector público, aprobado por Real Decreto Lexislativo 3/2011, do 14 de novembro, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, do 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asíñase esta memoria, en Santiago de Compostela, a 19 de setembro de 2017.

